

OMUKWETU

Registered at the General Post Office as a Newspaper



OSIKOLA YOOMWEDHI HAMANO

“Nando Suid-Afrika ina zimina epangelo IyaV.V.O. li kale muSuidwes, shika ita vulu oku shi tamanekelwa ando kutya ina kambadhala nomikalo dhombili okumana po uudhigu waSuidwes. Oonkambadhala dhaa na ombili ndhoka dha ningwa sigo oompaka ngashi ando enkundipaleko Iyiipindi naakondjelimanguluko, inashi ningwa nando kuS.A, ihe osha kandula po ashike ekoleko Iyomawi ga tokolwa muV.V.O. nokomayambeko ngoka ga zi kEhangano Iyoongerki adhihe muuyuni,” osho sha li eyamukulo limwe moshifo Die Suidwester, sho a yamukula eindilo Iyoongerki dhomuSuidwes, oonkwaLuther ndhoka dha indile S.A. a kundathane mombili naV.V.O. omolwaSuidwes.

Nge taku popiwa kepangelo IyaS.A. omayambeko gehangano Iyoongerki adhihe muuyuni otaku dhiladhilwa ekwatho ndyoka Iya li Iya gandjwa muSeptemba 1970, kehangano ndyoka, konyala R140,000 komahangano 19 gaakondjelimanguluko, gamwe gago ge li muumbugantu waAfrika.

Ekwatho ndika olya penduthile omaludhi omanene ga nika oontamanana pokati koongerki nomapangelo unene tuu nepangelo IyaS.A, oshoka gaali gomomahangano ga li taga kwathwa, oSwapo, IyomuSuidwes naAfrican National Congress Party IyomuS.A.

Aawiliki yEhangano ndika Iyoongerki dhomuuyuni auhe “World Council of Churches” (WCC) oya ningi ashihe taye shi vulu opo ya yelithile nawa epangelo IyaS.A. elalakano Iyoongerki nekwatho ndika. Shoka shi shi okutumbulwa mpaka melalakano Iyoongerki nekwatho Iyadho, osho shoka kutya osha ningwa okukwatha omalutu noomwenyo dhaamboka ye li moluhepo omolwomapangelo gawo ngoka inaaga yalula oludhi lwomuntu kehe kutya olwa simana wo.

Oongerki odhindji dhomuS.A. ndhoka dhi li wo iilyo mEpangelo ndika, odha li dhi na uudhigu okukoleka iikwatha mbika, oshoka pamadhiladhilo gepangelo moka dhi li, otayi tuminwa aadhipagi. Oshigongi shokukandula po omalimbililo mekwatho ndika osha fanekwa shi ningilwe ando muS.A. momwene, ando muJuli nuumvo, ihe mupya munene osha shuna owala monima nopwaa na etegameno shi ka tsikilwe komeho.

Oshinyolwa tashi landula osha kuthwa moshifo “Proveritate” ngashi sha tuminwa ko komuwiliki gwoshikandjo shiinima yuukumwe mEhangano Iyoongerki, Dr. Albert van den Heuvel, muGeneva, paku-



Moshigongi shaafadhuki po muLimuru, Kenya; okuza kolumoho omusitagongalo John Wasikye gwaUganda, Rwanda naBurundi, Rev. Nahum Mensah omunepangelongerki gwaGhana naamushanga guukumwe woongerki dhaAfrika Rev. Misaeri Kauma ye li moonkundathana.

tseya kwe iyimati mbyoka tayi zi mokudhina oludhi lwomuntu ngashi e shi konakona uule woomwedhi hamano muS.A.

OSIKOLA YOOMWEDHI HAMANO
Pomathimbo gamwe ohandi haluthwa mokudhimbulula nkene okukalamwenyo kwomuntu kwa simana unene mekwatathano naashoka te shi dhiladhila note shi longo. Uuna oonkundathana tadhi ende nawa nokape na shoka sha pumbiwa okuningwa, nena oshinima shika ihashi ya momadhiladhilo getu. Ohatu dhiladhila otu li moshili noinatuna dhina nando olye, twa za monkalo yetu yene. Ihe uuna iinima tayi lunduluka notapuya shoka tashi tu gumu kolutu, nena otatu hanyuka shi ili lela.

“Omadhiladhilo ngaka oga yele nawa moshinima shoondathana dhiilonga yokukondjitha uukwaludhi mEhangano Iyoongerki adhihe muuyuni. (WCC.)

“Moshinyolwa shika onda hala okwiitula pehala Iyomuleshi muS.A. pau-

ntu wowene. Notandi shi ningi pamatompelo gopaali: Shoka sha simana osho shoka sho nda putukile mehanganoyuukumwe okwiitaala uukumwe woongerki ngashi wa gandjwa muKristus nokOmbepo ye. Onda kala pamwe naakriste yomuS.A. a) mepangelo limwe, b) mepopilwo ewanawa limwe, c) metegameno limwe.

“Etopmelo etiyali inali simana unene. Onda tameke okuhola oshilongo oshiholike naantu yasho, ngele metalelopo Iyandje Iyongashingeyi nenge pomathimbo galwe ogendji mokutsakanena miinima iidhigu. Ondu uvite ekwatathano enene noshilongo shoye noite vulu okushi etha ashike shi kale ngaa ka. Nohangame awike, aatamaneki oyendji yaS.A. oyo ookuume aanene yoshilongo shoka.

ngo shoka.

“Onkalathano pokati koongerki dhaatiligane muSuid-Afrika, Oombulu naAingilisa, oya nkundipala noonkondo moomvula ndhika. Oombulu odhindji odha hempulula pungame omadhiladhilo gawo kutya kaa uvite ombili noyi ikalekelwa nge ye li pondje yoshilongo shawo. Olwindji oyu uvitiwe ko pombambo noyu uvite kaye shiwe, noye na eviito kutya aantu inaa hala oku ya pulakana. Unene tuu mboka taa kondjitha oveta yuukwaludhi.

“Ohaa pashiyona olwindji yi imonene ando ookuume nenge etalaleko Iyasha, wo tuu, ihe sho ye li aatiligane, otaa tsakaneko shono shi ili, omatamaneko nekenyanano. Aayafrika otaa iholola shi ili wo. Nayo otaa pashiyona yi imonene evululuko neyambidhidho, ihe olwindji ya dhimbulula ashike nkene yi ikalekelwa naanaa nokumakelithwa omukumo omushuushuka.

“Tse wo mboka tu li pondje yaS.A. tu uvite owala oshilongo shi li hoka noku shi lesa owala miifo, otu uvite wo nga-

Eyadhimo IyaJesus

Joh. 17:1-5

Oshilonga shajesus shuupristeli shoku tu fala muukumwe naKalunga ketu, otashi monika wo nawa moohapu ndhika dheigalika-neno lye:

"Tate, ethimbo lye ya, adhimitha Omumwoye."

Megalikano ndika kamu na nando okwiihola kwaJesus, ando, ongangoka i ihalela uuwanawa ye mwene, aawe. Eyadhimo ndika Jesus te li indile, oloyo tali indilwa molwandje nomolwoye wo. "Ethembo lye ya," oloyo ethimbo lyokuhepekwa nokudhipagwa kwaJesus, okuyumuka kwe sigo okukala omutumba kolulyo lwaHe.

Mboka ya mono sho ta si, oya hempulula, oye shili omuna gwaKalunga Mat.27:54. Oya mono ko eyadhimo lye nonando eso olya li lya eta omilema kombanda yevi alihe. Mbeyaka ya mono kutya kee mo mombila, okwa yumuka, oya mangeluka okuhokolola eyumuko lye. Mboka haa kala nokuligame-na omeho gawo sho Jesus a yi megulu, otaa yamukulwa keyadhimo IyaJesus. Oshihomo shOmbepo Ondjapuki, naasho ye na uupenda okuuvitha evangeli sigo omokuhepekwa. Kaa vulu okumwenekwa, oshoka oye lwete ko eyadhimo IyaJesus lil. 2.

Uuyuni nau pindjale shi thike peni, noonjo nadhi ku tilithe ngiini, eyadhimo IyaJesus otali ku yelutha po. Jesus ta galikana; "Ayehe mboka we ya pendje, onde ya pe omwenyo gwaaluhe." Nomwenyo gwaaluhe ogwo tuu nguka oyo ye ku tseye, naanguka we mu tumu, Jesus Kristus.

Okutseya taku popiwa mpaka, okwa yooloka nokutseya iinima yilwe. Oshoka huka otaku ti u kale mekwatathano naKalunga. Haku mu tseya ashike kutya okwa kala Kalunga, ngaashi wo kwa kala oontumba noongandi yalwe. Ihe okutseya kutya, hangame ndi na omwenyo, ihe Jesus nguka e li mungame.

Ndika oloyo ekwatathano lyashili nontseyo tayi pumbiwa. Ihe ito mu tseya manga inoo mona ko eyadhimo IyaKalunga. "Adhimitha Omumwoye, opo Omumwoye e ku adhimitha wo."

Ngele Jesus ta adhimithwa ngeyi, nena tse otatu vulu ihe okumona nkene a longa nokwa tsakanitha oshilonga shekulilo, nompito ye egulukila kehe gumwe kombanda yevi okuya mehupitho. Eyadhimo ndyoka Jesus a hala u mone, okwa kala nalyo puKalunga manga uuyuni wa li waa ko. Ngoye omuntu gwokathimbo okafupi, omolwashike to limbililwa shoka. sha kala ko nale?

Kalunga na tonatithe omeho getu tu mone eyadhimo ndika enene, opo tu landule Jesus sigo twa thiki megulu. H.P.Uushona

Afrika eha Iyaafadhuki po

lilongo oyindji muAfrika oye edhilile aafadhuki po yomilongo iikwawo. Kongo Kinshasa oye gumwe e na omwaalu omunene gwo-600,000 ya za Angola, Sudan naRwanda. Ghana naLiberia oye na aafadhuki po 185,000 ya za muUganda. Tanzania oku na 12,000 ya za muMozambikwe. Lesotho oku na aafadhuki po 70 ya za kuS.A. Aafanduki po ayehe muAfrika otaa tengenekwa ye vule ngashingeyi omilijona.

Kutya omolwashike aantu ye thike mpaka ya thiga po omavi gawo, omusitagongalo Misaeli Kauma, ngoka e li amushanga gwiinima yaafadhuki po moshigongi muKenya okwa ti kutya, aantu oya za po kuumbanda wokuhepekwa omihoko dhawo, omaitaalo gawo, uukwashigwana wawo nomolwomadhiladhilo guupolitika, (Africa Acts.)

Nonuumvo wo Oongerki dhomuuyuni odha gongelele aantu mbaka iikwatha R140,000 mbyoka tayi topolelwa omahangano gi ili nogi ili, unene muAfrika lyokuumbugantu moka mu na wo nehangano IyaSWAPO.

ka kutya otu uvitikwe ko pombambo. Oyendji yomutse kaa uvite ko naanaa nkene aakriste aaluudhe aaidhidhimiki naahepekwa yethimbo ele nonkene aakriste aatiligane otaa itala yi igwanena thilu monkalathano yokakombo noludhi, moka uuthemba wopantu wa lyatelwa koho yoompadhi, nesimano lyuntu lya shundulwa. Onke ku na ngaaka ompumbwe yokupulakenathana ko koombinga adhihe.

"Okuza ketokolo IyaWCC sho lya gandjele iikwatha komahangano gokukondjitha okakombo noludhi muS.A. 1970, onkalathano yetu inayi kala we na wa. Aaluudhe naatiligane muS.A. oye tu lombwele kutya etokolo ndika oyendji yomaaluudhe oye li taamba nyanyu. Kombinga yaatiligane aashonashona yowala ye li taambe, ihe oyendji yomuyo oya li ye li geela, onke einyengo lyuukumwe wopangerki olya dhigupalekwa moshilongo sheni.

"Omayemato gaaluudhe gethimbo ele oga uvika, nokasha li lwotango, ihe sha li oshinima shethimbo nethimbo. Kandi uviteko naanaa kutya omolwashike naatiligane mboka ya kala aakondjithi yokatongotongo kaa uvitile we aaluudhe ohenda. Einyengo li lwetike olya li ano tali pumbiwa li ze pondje okuulika ashike nkene endumba lyomahepeko nomatilithagano li shi okuuvikako nokumonika kashonashona kowala.

"Oshitsa shika osha nyolwa omolwa shoka osha kala olwindji ethiminiko enene mungame li vule ndyoka nda holola. Shoka nda hala okuninga mpaka, okuholola ashike kutya osha kala ethiminiko mungame pethimbo ndyoka lyoomwedhi dha piti, ndi holole omadhiladhilo gasho. Mpaka onde ga holola nee ga yela, opo ndi pule aamwatate aatiligane muS.A. kutya inaa gandja nale uusama koWCC nenge kongundu yopapolitika, manga inaa uva kutya otwa gandja iikwatha. Sho inatu shi ningithwa ketokolo lyopaupolitika, ihe osho oshilonga sha za mehewo lyongerki ndjoka yi li po olutu lwaKristus naantu yaKalunga

"Iilonga yetu oyi na sha nesimano lyomwenyo meudhililo lyago, onke tse ongehanganano lyongerki (WCC) itatu vulu sha shilwe shahe shi okutala oshilonga shetumo, nuunene eitaalo lyongerki ndjoka ya za muugoyoki wokudhina olupe lwomuntu mboka tau tsakanithwa kaakriste. Natu shi uviiko kutya aantu mboka kaye shi aakriste, otaa kala aakomunisi nenge taa kwatwa keitaalo ku-

tya Kalunga iha mono ko iinima kaayi li mondjila nenge ya landule omaitaalo galwe, omolwepangelo IyaS.A. ndyoka tali igidha kutya olya hala okugamena ehumokomeho lyopakriste ndyoka taye li gandja, ihe pamwe noohapu ndhoka otaa tilitha aantu (terrolis) otaa mbandameke notaa thitikinine mo omadhiladhilo niilonga yoyendji yaa holoke polweela. Omolwaayihe mbika aakriste, muuyuni itaa vulu okweetha S.A. akale owala mombili ye. Uukumwe wopangerki otatu tu thiminike tu idhopemo Nokuli otashi tu imbi tu tye ko sha kepangelo Iyaakomunisi, ndyoka tali idhimbikwe uuthemba wopantu, oshoka nepangelo ndyoka tali ithanwa ekriste osho tali ningi nenge pamwe shi vulithe po nokuli.

OONKONDO TADHI HEPA OWALA

Oshinima oshititatu nde shi ilongo osho shoka kutya oongerki ngele ndhoka dhomuuyuni nenge dho muS.A. otadhi ka mona ashike ondjila yolela yokukondjitha okatongotongo, ngele dha ulukilwa tango omalunza gomuntu, gongerki nogopambepo moka etegameno lyawo tali zi.

"Sho shene otashi etitha ohenda okutala ishewe nkene oonkondo ondhindji dhaakriste dha hepele owala momapaa-thano guusama okuza kuSeptemba 1970 manga mekondjitho lyokatongo, aantu taa itula mo kashona kowala. Otatu ti ondeveli oya sindana moshinima shikai?

"Omagongalo ngoka ga tsiminwa kii-nima mbika naantu yopondje mboka ye tu tala nayi, oya li ye na okushi tala yo yene noondunge dhawo, shi vule sho taa tala kiilonga yokukondjitha okatongotongo.

"Natango ondi ilongo nkene oshilonga shontumba tashli vulu okuuvika ko nayi nokuhanagulwa po. Aanambelewa yEhangano lyongerki, WCC, oya pewa uusama sho ya etha egwaaleko lyookuume muSuid-Afrika, taa kwatha ooterolesa nuukomunisi, Kalunga mwene ta tseya shi vule mpoka. Inatu yelitha nani ayihe mbyoka? Nomafatululo getukage shi nani okwiinekela? Aawe, ngika, shila nani ndi tye ashike kutya omagandjo guusama ga tya ngeyi ogo gaa na omukanka gwasha.

AANALUHEPO OYA DHIMBULULWA

Tse inatu lundulula nando ookuume ye tu yonale. Esimaneko lyetu nuukuume wetu, inau kana po noinau pwina po kukondjitha okatongotongo. Ihe otwa taamba ngaa eindilo owala Iyaamboka taa hepa noitatu vulu oku ya idhimbika, inaatu ya kwatha nomukalo gwontumba. Ekota lyokatongotongo oli li mondhino yokudhina uuthikepamwe womuntu esimano lye sho ta talwa koludhi. Ondhino ya tya ngeyi, oyo twa hala tu kondjithe mutse.

"Muumbugantu waAfrika aaludhe mboka ye li po oyendji nokuli ye vule aatiligane kaa vulu okuholola ekondjitho lyawo pashili, ya kondjithe onkalo moka ye li mo. Omahanganano gi ili nogi ili pamukalo nguka, oga fumvikwa. Omataneko gawo oga mwenenwa, omahanganano gawo oga tulwa muupongekwa nokweedhililwa moondholongo.


"Aantu ya tya ngaaka ye li moshiponga shuukwaludhi, oya li ye na okukwa-

Komwedhi okwa li wo aakongindjila

"Nena otatu dhimbulukwa unene oshilonga shoka sha tamekwa komukuluntu guukongindjila, omusamane R.Baden-Powell, ngoka a kala muSuid-Afrika uule woomvula 60," osho omuwiliki omukuluntu gwaakongindjilakadhona muSuid-Afrika, meme Phyllis Greenwood, a lombwela aakongindjilakadhona mOwambo.

maapulakeni aakongindjila kutya mbeya oye ya lile po metetekelo lyuunongononi mboka.

"Tse mpaka itatu lalakana okuya komwedhi, ihe otatu longo mpoka tatu vulu, otatu longo nokutala handiyaka yomimvo ntano tadhika landula notu shi oshilonga



Efano pevi omuwiliki omukuluntu gwaakongindjilakadhona meme Ph. Greenwood kolulyolela taa kundathana nomumbisofi Auala.

OHAVA KALA MOYOO-NGALELE

Ovanyasha vokOlange ove shii kupandulwa shili, osheshi ohava diinine nawa oyoongalele yavo. Eshi osha hafifa nge unene, nonda hala shi kale yo oshihopaenenwa shovanyasha aveshe keenhele adishe.

Ovanyasha nye mu li mOwambo, oupuna ou fike peni omunhu te u pewa oshali, ou ha kala moyoongalele? Eshi otashi tungifa eemwenyo dovanhu. Omunyasha ota tekulwa a kale alushe peendjovo daKalunga.

Nehemia Hamtenya

Meme Greenwood, ngoka a li omuyenda a simana moshituthi shuukongindjila sho wa tsakanitha omimvo ntano mOwambo, okwa hokolola pafupi ehistolli lyuukongindjila mboka a ti kutya "Oshilonga sha za kuKalunga neuvaneke lyawo ongaashi lya kala shito." Okwa tanga unene uupenda wameme Raija Salmi ngoka a tameke oshilonga shoka wo mpaka.

Aakongindjila 200 oya li ya zi koombinga adhihe dhOwambo noya gongalele moshituthi shawo mOshatotwa, Onandjokwe eti-20-22.7.1971. Mokuholola kutya, uukongindjila oshinima tashi longo paitaalo, meme Greenwood okwa ulike onkatu yopuule ya katukwa kuAmerika sho a yi tango komwedhi.

Aalumentu 10 mboka ya lyata ko, yahe-tatu yomuyo aakongindjila mboka omuwiliki Greenwood e ya tala noku shi thindila

shetu otashi ka yambekwa," osho omuwiliki omukuluntu a kumike omukumo aakongindjila.

Aayenda ooyakwawo ya simana oya li wo ya zi mOvenduka, amushanga muSuidwes meme Coupar, nomukuluntu gwaakongindjilakadhona muS.W.A. memeAase Geel, ngoka a talele po Owambo olwindji.

Esiku lyahugunina lyoshituthi omatanga agehe 10 gaakongindjila mOwambo oga gongala pamwe negongalo alihe lyaNiipa megumbo enene lyOshatotwa melongelokalunga Nomanga oshituthi ashihe inaashi halakana, omwaalu gwaakongindjila 210 mOwambo ogwa gwedhelwa yahamano mboka ya gandja euvaneke lyawo montaneho yoshituthi noyegongalo. Mokati kawo omwa li meme Selma Namuhuja nameme Aune S.Amkongo, ayehe Aniipa.

Oshituthi shoka sha wilikwa kumeme R. Salmi nomulongi Ester Amukeshe, osha hulithwa nelaleko nuuyamba komumbisofi gwongerki yaElok, Dr.L.Auala.

Evangeli otali yi momudhiingoloko Okusila omwenyo oshimpwiyu, osho naanaa oshinakugwanithwa shongerki yi uvithe evangeli lya yela inaamu gwedhwa nando osha. Evangeli oli na okuuvithilwa aayamba noohepele, aaludhe naatiligane. Oli na okutompela omuntu kehe onkalo ye.

Oyendji oya hala okupilika omadhiladhilo gongerki. Uunene tuu aapangeli yo yene mboka taa longo mepangelo, oyo iilyo yongerki, oyana yevangeli, onke evangeli tali ya landula sigo miilonga yawo. Oshoka ongerki oya hala ya longe pahapu dhaKalunga ndhoka dhi li oshili yo yene.

"Kaleni moshili, noshili otayi mu mangu-lula." Joh. 8: 31. Epangelo lyaa na Kalunga olya sa. Ongerki itayi gumu omuntu momudhiingoloko gwe, kayi na omwenyo, oya sa. Ongerki otayi uvitha nokugalikana paushili wevangeli, hangashi aantu ya hala.

"Galikaneni mwaa na ezimbuko."

J. J. Kangonga



CANNER NOISHO IHAPU MONGERKI YAVO

"Kunye otwa hala kulihonga shihapu," osho meme Canner Kalimba a tonga, ina younona vane mongerki yaAnglikani, Odibo.

Moshoongalele sheedula nhano mOnandjokwe okudimbulukwa eshi oukongindjila wa hovelwa mOwambo, meme Canner oo kwa li umwe wovawiliki vovakongindjila, okwa kala efimbo alishe ta endlulula eshi ovanhu tava popi, opo a udafanife ko ovo vehe liudite ngashi okutula mOshingilisha ta kufa mOshiwambo ile okukufa mOshiwambo a tule mOshiingilisha.

Opwa pita konyala odula paife eshi meme Canner okwa ninga eano laye ongumuliki wovakongindjila meongalo lavo laDibo. Eshi kuye ehovelo liwa okukala mekwatafano novakwaLuther, olo te li tale kutya otali ka eta oiimati ihapu mongerki yavo.

"Ohatu mu pumbwa, osheshi fye otu li unene kokule, otwa fyaala po," osho a yelekanifa eengerki edi mbali tadi longo moshwana shimwe; ongerki yaELOK noyaAnglikani.

Omolwoshisho shihapu shi li momwenyo waye okundjabula po nokupendula ovakwaneongalo, fimbo e li moilonga yokupashukila ovanafikola vomomuhandjo mOdibo,



Canner Kalimba

oye ote lihonge yo ondobwedi yoJunior. Nde oku na yo eifano linene nokwe shi lineekela kutya ote ke shi hovela diva, a ka longe Ombibeli mokati kovanyasha novakulukadi.


Epashukilo lomomuhandjo wofikola, okwe li longo paife eedula hamano eshi a dja meyakulo loshihakulilo omo a ningile eedula nhatu. Oye ependa, a nyika oukolele wolutu nowomhepo, nomolwehalo laye liwa, oinakuwanifwa yaye ote ke i shakenifa, nande i kale ya fa ye mu wililila po.

N.B. Ongerki nenge tai litale kutya oyo, aike omuhopaenenwa weengerki dikwao oyo tai kanifa shihapu. Eengerki melongelokumwe nomelongelopamwe odi na okulihongafana nokupunikafana paeshali dado.
Redakteur

Aagundjuka Abed Uusiku na-Lovis (Leo) Uusiku Oniipa, o-ya pambulilwa ko wo koshithima hatu shi pumbwa esiku kehe, ngashi hatu shi indile meke lyaKalunga. Meme Lovis (26) okwa kala omuuvithi gwevangeli koombinga adhihe dhOwambo noshilonga she mOshinyangidho shEhanganotumo lyaSoomi, moka a longo oomvula omugoyi.

Niikaha ye ya pya endjingu nomeho ge ge shi okudhimbulula omapuko nuupu, aaleshi yomambo noyiifo mbyoka hayi piti moonjala dhame Lovis, oye shi oku shi hokolola nkene inaa kudhilwa aluhe komatompakano haga holoka miilonga ya fa mbyoka.

"Meme okwa kwatha ndje unene muugundjuka wandje," osho ye mwene a pandula uuteku wayina konima yoshituthi-hango shawo eti-21.8-71. Oye ta tsikile iilonga ye mOshinyanyangidho pauvathano lyomulumentu gwe ngoka inaa hala a kale euvitho lyevangeli moshipala. Aantu ya tya ngeyi ye hole Omuwa o-yo naanaa haa yambekwa.



Abed naLovis Uusiku

EANGELOK

Omuntu ita dhimbulula nuupu shoka sha gonyenwa moshitya shika: "EANGELOK" EANGELOK olya totwa 1964 kaanangeshefa Aawambo, mboka ye li po iilyo yOngerki Onkwaevangeli paLuther yomOwambokavango. Edhina ndika EANGELOK, olya totwa moshigongi shaakwanehangano ndika, shoka sha li sha gongala mOniipa 18/11/1969, moka ya li ya panda edhina ndika, noya tokola li kale efupipiko lyedhinahangano ndika: **Ehanganotumo lyAanangeshefa yOngerki onkwaEvangeli paLuther yomOwambo-Kavango.** Edhina ndika eleleka, omuntu ota vulu nee oku li fupipika nomukalo nenge ndi tye, niitya yometumbulo ndika:

"EANGELOK."

Oshilalakanenwa shEANGELOK osho:

1. Okukwatha omunangeshefa a mone Omukulili gwe mokati kiilonga ye.
2. Okukwatha omunangeshefa a halithe pauyuuki.
3. Okukwatha omunangeshefa a tule Kalunga mehala lyotango miilonga.
4. Okukwatha omunangeshefa a kale nongeshefa ya yogoka noyi na elandulathano.
5. Okukwatha omunangeshefa a koneke oshilongatumo tashi mu tegelele.

Aaneangelok oya kala nee noshigongi shawo, shi na okugongala shi vule lwaali momumvo, nenge lumwe ngele ethimbo inali monika nawa. Ihe itashi vulika shi kale inashi gongala lumwe momumvo. Moshigongi shoka ohamu kala omapopitho, elongo nekwaathano momaudhigu gopamwenyo nogopaipindi, nohamu longwathana omikalo

dhokuhumitha ko oongeshefa pamukalo gwoshinanena.

Ngashi moshigongi sha ningilwe mOniipa 18/9/71, omwa kundathanwa egalikano lyomunangeshefa li lengwapalekwe, lyo li indjipalithwe mokati kaanangeshefa; nomwa kundathanwa wo nokufanekela aanangeshefa omapeko gokudhiginina oombapila dhiilonga yawo, nomambodhigininoiniwe yoongeshefa dhawo.

EANGELOK olya kala noshikethatumo lyasho, moka hamu zi iimaliwa yokufuta ondjambi yomuyevangeliste gwawo, oshoka oye na omuyevangeliste Timoteus Jakob, ngoka ta longo oshilongatumo pehala lyawo mokati kAayeleele muKongo. Iimaliwa moshiketha shika ohayi ya mo tayi zi moongalo ndhoka hadhi ningwa moshigongi, moompale dhawo dhuukwashilyo (50c) komumvo, melandithopo lyombandi yuukwashilyo, momagano nomiikwawo ya fa mbika.

Momumvo nguka EANGELOK olya gongala mOniipa 18/9/71, ihe shoka oshigongi osha li ye shi nyanyukilwa, oya tokola okuhiya oshigongi oshitiyali, shi ka gongale mOshakati 9/10/71, potundi 10 yongula. Ondi shi shi, Kalunga ita ka dhimbwa nando esikulimwe iilonga yEANGELOK mongerki ndjika. Omuwa ota ti:

"Ongoye sho wa dhiginine oohapu dhontalanteni yandje, na ngame wo onda hala ndi ku dhiginine, ndi ku hupithe mo methimbo lyemakelo." (Ehol. 3:10.)

M. Ngipandulua
Amushanga gwehangano.

OSIKOLA YOOMWEDHI HAMANO

(dha za kep. 3)

thwa ando ngiini ekwatho lye ya ukilila opo li thike kuyo kaali li meukililo? Kakele shila tali pitile maatiligane, ihe na yo wo onkene ngaa oshihakanwa shuukwaaludhi, oshoka oyo wo aanandholongo yuumbanda, noyokudhipaga eiuvo lyawo mushono tali ya lombwele notaa kala naanaa aanandjo moshinima shika.

EGONGALO LYIUKWATHA

Tse oshe tu yelesa nawa kutya ekwatho lyaakondjelimanguluko, olya li owala okwiikwatha mokukalamwenyo kwopasosiale miilonga yuunamiti noyeputudho. Miinima mbika WCC, okwa pewa oombedhi oonene. Okwa tiwa, iilonga oya nika unene uufudhime noyopakana.

Ekwatho lyongerki kaakondjelimanguluko otali ti ashike kutya ongerki oya zimina iilonga yayo, oya zimina shoka, tayi shi pulwa pankalathano yuuyuuki, pauthikepamwe womuntu kehe. Itandi ti ando ongerki oya hala okulandela akondjelimanguluko oompumbwe dhawo adhihe dhopaupolitika, aawe.

WCC OKU TONDE IIKONDJITHO

Ehangano lyongerki oli na owino wokutonda omukalo gwiikondjitho pahistolli. Otwa kala miita ayihe otu shi ethiminiko lyiikondjitho nkene hali longithwa. Oongerki odhindji dha dhimbulula nkene okwaakondjitha uukwaludhi, sha li she eta iinima tayi tilitha. Omukalo gwethiminiko muumbugantu waAfrika, otagu imbwa mo ashike konkalathano yopauyuuki.

"Kape na nando omuluudhe gumwe ta ka dhipaga, shimpa tuu e shi shi ope na gumwe e mu inekela. Ehokololo kutya WCC ota longithwa kAarusia nOkAakiina, kashi shi ashike shi yolitha, ihe omukalo wo gwokweehameka yalwe. Muumbugantu waAfrika uukomunisi otatu ya, molwamboka ye u tala oshinima she ya opalela. Ishewe aatiligane ya S.A. naye shi tseye kutya aakriste mbo ka ye li miilongo yaakomunisi, oye na okukalamwenyo okuwanawa ku vule kwaamboka, ya valelwa muS.A. Uukomunisi waAyeuropa owa li wa kwna nawa pululilwa mevi lyonkalathano ya topagulwa noya thindilwa kongudhi. Shoka nashi kale elondodho kuS.A.

"Moomwedhi ndhika hamano ondi ilongo mo nkene omapatathano ngaka guupolitika niikondjitho taga siikile evoko ewanawa lyomadhiladhilo ngokanda holola wo nomoshinyolwa shika. Shi mpa tu omagandjo guusama ga li mondjila, tse ongoongerki katu na shilwe tatu shi vulu shahe shi okukondjitha shoka tashi nkundipaleke uukriste muS.A. Itatu vulu sha shilwe shahe shi okutala kaahepekwa yokatongotongo noku ya tala ongaantu. Yo iinima mbika iyali oyo ye tu falitha metokolo tu ninge shono twe shi ningi. Oonkundathana odha pumbiwa dhi tsikile.

"Moomwedhi ndhoka hamano onda dhi mbulukwa nkene ekundathano niilyo yongerki yi na oshilonga oshinene. Etokolo lyokukondjitha uukwaludhi lya li lya tokolwa koyendji, olya li lya tama-

nekwa aniwa olya ningwa manga oongerki adhihe inadhi shi zimina. (osha tokolwa mokangundu ke lile po oongerki miilonga yesiku kehe.) Omawi oga li ogendji shili metokolo, nando pwa li wo gamwe ga kondjitha. Ihashi longithwa unene kuWCC, a mone aluhe uwindji womawi, shila okuya ashike mekwathano naakondjithi e ya yelithile oshini ma nkene shi li, haku ya pa ombili nande kutya nani okwa longo epuko.

Natango meilongo lyoomwedhi hama no onda mono mo wo iiyimati iwanawa. Aantu oyendji oya vulu okumona ombepo ya nyata yuukwaludhi, oshipala noshipala lwotango mokukalamwenyo kwawo. Uudhigu mboka owa vuliki-

ONGERKI NGE OTAYI PUKULULA OTAYI LONGO OSHILONGA SHAYO

Oku na iilyo yimwe mOongerki yOwambo-kavango nomepangelo lyaS.A. tayi ti kutya, ongerki oya puka sho ya nyolele ombilive komagongalo. Unene omusimanekwa Ushona Shiimi, ngoka a dhiginine etumbulo ndyoka kutya: "Shaa ngoka na dhiginine iilonga ye noita yi oonyala moshilonga shomukwawo.

Ketumbulo ndika iilonga yi dhigininwe, oshili mondjila, ihe kutya hamuntu ta yi oonyala moshilonga shomukwawo, otali mwenene epukululathano lyokuulika omapuko.

Aasita ohaa monika ya zala eguwo eluudhe nothingo ontokole mu na uulenga uyali we endjelela kombanda yeguwo. Owo ukunde. Uukunde mbono otatu ti owo ompango nevangelii. Yo nee ompango nevangelii, oya thikama moshili, onke aasitagongalo oye na okutonatela euvitho lyevangelii li uvithwe moshili nompango yi pangele moshili. Oongerki oyi na elalakano oshili yi longithwe momaputudho gaali gomuntu, ompango nevangelii.

Ano ongerki oya longa oshilonga shayo, inayi puka. Epuko olyaa nguka to ti, ongerki oya puka. Osha yela lela, oshoka iilyo yEpangelo lyS.A. aaluudhe naatiligane, oyo aakriste, naamboka taa pangelwa oyo aakris-

tha omalongekidho gamwe giita ga ningwe, lwotango iita yomeitaalo nopatiyali iita yopaupolitika. Shika osha ya mo nale nokuli melongo lyopauteologi, unene melongo lyomasakramendi nolyo ngerki "Masiku otashi adha nelongo lyeuvitho nolyehempululo lyeitaalo. Ayihe mbika oya likolwa kuukumwe woongerki. Ekondjo olya tameke, onke oye ndji yomutse ye shi nongele nokuli kutya, shono tashi pumbiwa tango miilonga yetu yokukondjitha uukwaludhi, osho egalikano. Okugalikanena omukumo ohole, ekwatho lyaKalunga nokugalikana wo Kalunga i imonene aalongi oyendji meteyo lye, esindano li kale lyOmuwa."

te ye li mongerki. Oongerki nEpangelo, ayihe oyaKalunga mwene, nomukwatelikomeho oKristus.

Oongerki otayi ulike oshili yo yene patokolo ndyoka lya za muDen Haag. Oongerki otayi zimine oshili, haifundja. Ando ongerki oya li ya mwena ketokolo ndyoka, ando aawiliki yoongerki dhetu muSuidwes, otatu ya pe ondjo.

Mokulesha oombilive dhoongerki, enenedhiladhilo oyo ndika a) Epangelo li kale moshili, b) Epangelo li kale li uvite ko omuntu kehe, nokusimanekwe ongoshifetha shaKalunga.

Epangelo lyaS.A. nali tale oshigwana shaSuidwes mpaka kutya osha mana mo omeho okutala nokutongolola iinima ayihe iwanawa niwinayi, tayi shi ningilwa. Oshigwana osha yelutha wo omakutsi okuuva ohapu kehe ombwanawa nombwinayi noku yi dhiladhila.

Epangelo lyaS.A. oli na ano ongunga yokugwanithila oshigwana ompumwe yasho pamuthika gwelumokomeho, moka shi li mo. Oshili oyo ayike tayi opaleke noya hokiwa kuKalunga.

Tuwilika Shimwooshili

Olye ta zaleke ongendjo mothingo yokambishi?

Omutumba omuti-26 gwoshigongi shuukumwe wiigwana ya hangana muNew York, ogwa tamekele eti-21.9 nomatamaneko ogendji oga hololwa kaapopi moshigongi omolwaS.A. ngoka ta tsikile natango okupangela Namibia. Ye S.A. okwa indila natango iigwana yaNamibia yi gandje ewi lyayo yi hogolole ngoka te yi fala meipangelo lya lyene, okwa indila wo amushanga ymunene gwaV.V.O. a talele po Namibia, okwa patana wo kutya ye, haye ta yono ombili yaavalelwamo, shila ota yi yonwa kaantu yokondje.

Mujuni nuumvo, ohofa yuuyuni oya adhika ya tokola kutya S.A. ina ziminwa we a lele aantu yaSuidwes. Ohofa oya adhika wo ya tindi Aasuidwes ya gandje ewi lyawo. Omageelo ga dhiladhililwa S.A. sho itaa vulika kuuyuni; ngashi ando okunkundipaleka iipindi, okulongitha omatati opo S.A. a ze po muNamibia nenge okuumbwa mo mehangano lyaV.V.O. moka kee na nando ongunga yosenda pethimbo lyembangoloto lyaV.V.O. pamwe osha fa etokolo lyoombuku tali nyengwa okumona ngoka ta zaleke ongendjo mothingo yokambishi. Oshilyo kehe ohashi pulwa oompale R800,000 komumvo.

Inaku monika manga etokolo moshinima shimwe, nokangundu kegameno kaV.V.O. otaka tsikile noonkundathana omolwaNamibia.

Shila oya hala okandingosho

Omusita Titus Ngula natatekulu Johannes litope, shila oya hala okudhika okandingosho kawo, onkene taa tu pula iimaliwa. Osho twa li twi ipopile sho twa li twaa uvite ko etungo lyongerki ompe.

Ihe Kalunga okwa longo moomwenyo dhaakwanegongalo noya gandja ketungo ndika. Ngashingeyi sho lya pu, otatu yolele owala ketayego. Lipundi tu na ngashingeyi oyuuzeke, ya tika owala okuza mosheelo sigo owalitali. Aakulupe oyeegamena tu ihe, kaye

na we mbudhi.

Tse Aashitayi twe shi imonene ko, ihe natu ku lombwele owala kutya; ngele omusita ota pula iimaliwa yetungo, ino dhiladhila we kutya ngiika okwa hala iimaliwa yoye. Gandja shili, oto kiipanda komeho.

Ileni mu ilonge etameko ewanawa lyomatungo kOshitayi. Puleni oondunge kaasita yaShitayi, ileni wo mu tale etungo lyetu, tse osho twa ningi sho!

J. Aktofel Mvula

ONGWEDIVA YA KA TAMEKA?

Oshigongi oshitiyali shaavali mOngwediva eti-4. 9. 71 osha li po tashi kongo natango omukalo tagu opalele etameko lyaalongwa yomosikola ndjoka enene mOwambo. Aavali ya zile koombinga adhihe dhOwambo oya li moonkundathana pamwe nomuwiliki gwelongo mOwambo, omusamane S. A. Gous nomukuluntu gwsikola ndjoka, omusamane Meyer.

Aalongwa yosikola ndjoka 600, oya li ya tidhwa po ayehe, nokonima omuwiliki gwelongo okwa li ende niifongo ayihe yOwambo, opo ando aavali ya shaine oombapila dhetaambululo lyoyana, ihe oye shi tinda manga aawiliki yosikola inaa uvaneka kutya itaa ka tidha mo nando omulongwa gumwe.

Moshigongi shoka shaavali shoondathana inaadhi thiha mevathano ewanawa pokati kawo naakuluntu yosikola ndjoka, aavali oya tokola aanona yawo ya ka tameke ishewe osikola ndjoka nuumvo pwaa na eshaino lyaavali. Oya uvanekela wo aalongwa mboka kutya ngele pe na ngoka ta tidhwa mo mosikola, a kale mekwatathano nokangundu ka hogololwa owina kaavali, opo ya tale shono taye shi ningi po.

Manga aalongwa ya halakana nOwambo ayihe, aavali yamwe oya li ya fala uunona wawo u ka tameke. Ngiika aalongwa ye vule 40, oya kala mosikola oyo ayeke uule womwedhi gumwe, manga oonkundathana tadhhi kongwa pokati kaavali naakuluntu yosikola.

Oshigongi oshitatatu shaavali osha ningwa eti-18.9.71 moka inamu kala nando omukuluntusikola gumwegumwe, kakele shila kaapolisi mboka itaa vulu okuyamukula iinima yosikola. Etokolo lyawo oyo ndyoka kutya kape na ngoka ti inekela omwana mosikola ndjoka yi na aalongi ya homata iikondjitho.

Omatumpakano otage ende ga landula osikola ndjoka ngele pamwe kombinga yaavali nenge yaakuluntusikola, ngiika nokaaalongwa wo yoyene. Aalongwa ye vule 300 ya kanitha osikola ndjoka nuumvo, osha za mokwaavathana kwoongundu ndhoka dha tumbulwa.

"Osikola nayi teke po ngele euvathano kali po", osho sha kolekwa koshigongi shaavali sha hugunina. Aalongwa yamwe mosikola oya zi mo inaa lalekwa, ihe omolwooyakwawo mboka ya lalekwa mo. Aalongi oya laleke mo aalongwa mboka inaa ganenwa kaakuluntu yawo nando ngiika kaya li ye na okutidhwa mo.

Aavali mboka ya hala oyana ya kale mosikola nongele tashi ziminwa wo kaalongi, oye na okuudhitha ofoloma ndjoka tayi utha omunasikola a vulike koveta kehe yomosikola. Osha yela kutya aavali oya udhitha ombapila ndjoka manga inaa tseyu kutya oveta kehe tayi indilwa omunasikola oyini po.

Aalongi oya tidha po ayehe ye na omithika dha kola unene aamati. Ngiika komeho osikola otayi ka kala yaakadhona ayeke. Omafaneko kutya aalongi yamwe yane otai zi mo wo mosikola ndjoka oshi na ezimba ewanawa, ngele oyo mboka ya kala ya kenyeneka aalongwa. Ihe aalongi inaa ninga nawa ngele inaa tala aanona mboka inaa kala moshipotha shoka nesimaneko.

Aapukithi yaaleli oshiponga

Opu na aantu yomoshigwana sho shene shika nomaapangeli wo aatiligane taa longo a-luhe aaleli yetu elongo lya puka kutya, aantu mboka ya longwa, oya hala koshipundi shaakwaniilwa nomalenga. Elongo ndika olya kunu uutondwe pokati kaantu ya longwa naaleli yawo.

Aaleli ihaa pulakene we omapukululo gaa-sita, gaanongeki nogaayehe mboka ya moa owino yelongo lyopambepo nolyokukalamwenyo kwopantu. Aaleli oyendji otaa tala aantu ya longwa oyo aatondi yawo aniwa, ya hala okuya etela omupya.

Aaleli mbaka oya dhimbwa omakwatho nomapukululo gaahongi noomitili dhonale sho ya li ya keelele aaleli yopomathimbo gawo miiponga. Omukwaniilwa Kambonde kaNankwaya sho a li inaa hala nawa aahongi mOndonga, mumwayina Maharero gwAaherero, okwe mu nyolele ombilive tayi mu pukulula a ninge nawa aahongi, oshoka oyo taye eta oondunge moshilongo. Mombilive Maharero okwa lombwele mumwayina a ti:

"Ngele inamu hala oondunge, etheni aahongi ya ze mo mevi lyeni, ihe kala u shi shi, ongoye mwene to shi iningi."

Okuza mpoka aakwaniilwa yaNdonga, oya kala nawa naahongi noomitili dhawo, nuukwaniilwa owa kala wa kola mOndonga sigo onena. Osho aakwaniilwa aakwawo oo-Shaanika shalpinge nooMwaala gwaNashilongo, oya taamba omayele goomitili naahongi yawo noya hupitha uukwaniilwa wawo, u adhike kaatekulu ooUshona waShiimi noo-Shikongo shaTaapopi.

Omuleli ngoka ta shundula nota kandula po elongo, ota shundula oshigwana she nuuleli we. *Johannes J. Nangutuuala*

Oshiyolitha unene okutala natango South Africa ta tsikile okupangela Namibia (S.W.A.)

Momasiku 18 gaJuli 1966 oshipotha shaSouth West Africa sho sha fafelwe kompangulilo yuuyuni kuEthiopia naLiberia, Ompangulilo ndjoka ya li mewiliko lyomunashipundi, omusamane Sir Spender gwokuAustralia, oya tokolele South Afrira a tsikile nga okupangela South West Africa naantu yalyo. Aavalelwamo yomoshilongo shika ketokolo ndika inaya eta nando iikolokosha yasha molwaasho etokolo ndiyaka olya li lya gama kuSouth Africa.

Momasiku 21 gaJuni 1971 ompangulilo yuuyuni oya tokola kutya South Africa na hulithepo epangelo lye muNamibia mbala. Etokolo ndika oya nyanyundha aavalelwamo yaNamibia, noye li taamba noku li tala ongekandulopo lyuupyakadhi pokati kiigwana yahangana.

Aavalelwamo yomuNamibia inaya hokwa nando oonkundathana nepangelo lyomusamane Vorster, oshoka otaye dhi tala odho onkambadhala neheko lyokudhimbitha aavalelwamo etokolo lyompangulilo yuuyuni, ndyoka lye tu tula miikaha yiigwana yahangana.

Tse aavalelwamo yaNamibia otwa, tala etsikilo lyaS. A. okupangela muNamibia ongiiyolitha, oshoka etokolo lyomutumba gwOmpangulilo yuuyuni ngoka gwa zi mo ngashingeyi ogwe tu mangulula mepangelo lyaSouth Africa.

Jairus Muleka

N.P. Jacob, Onandjokwe, ota kundu aaleshi yOmukwetu ngeyi: "Aamwaameme aasimanekwa, onda hala mu kale mwa lesa oohapu dhOmuwa mEpisalmi 121, alihe ne mu konakone kutya omunyoli ngoka okwa hala a tye shike.



"Kalunga ita uthile ando aahogololwa ye haye mu ithana pombanda omutenya nuusiku? Ota si ando uunye oku ya kwatha? Otandi mu lombwele, ote ya uthile mbalambala." Luk.18:7,8.

Inave likufila

Opa shangwa, "Kape na ou te likufile, okuninga ta pewa." Ovalihomboli ava Tuhafeni Kapiya (42), Engela, naEster Magano Nangula yajason Shapopi (34) Ondobe, ova pewa kongerki nokoshiwana ohombo yavo, inave likufila nande.

"Sha wana metiti omukulunhu e shi yandja." Ovakulunhu vavo, ova dimina eindilo lavo, nde tave va pe ekuva, etemo, oshini, omushi, eholo, oshitoo, noshimbale.

Meme Ester okwa dalelwa meongalo la-Nayena, mOndonga. Ovakulunhu vaye ova tembukila kOshigambo 1939. Ye okwa shashwa 1951 nova ninga ovakwaneongalo la-Ndobe, omo meme Ester a shita ofikola yokaumbo 1956. Mofikela youhaku okwa piti mo 1962 nde ta nangekwa mEngela.

Oye omutekulu wohamba Nangolo da-Amutenya, nde okwa ninga omuyakuli woshiwana, hangaashi oonakunyika ohonde yeehamba hava teeleele va yakulwe koshiwana.

Pefimbo lolilonga yaye okwa yakula yo ngashi mokahakulilo kaNgenga nokaNdobe.

Opo nee okwa valekwa kutate Tuhafeni nde tava hambolifwa 26.6.1971. Etumbulo lameme Ester oleli: "Kalunga na hambelelwe molwomaendifo aye." Heeno, nafye ohatu shi koleke kaado, Omwene ne ku yambeke.

Uuno, inamu likufila vali. Ningeni ngashi ava!
Malakia Hauuanga



Tuhafeni naEster Kapiya

A LONGA OMIMVO NTANO KEE NA OMUKWATHI


Aayevangeliste naasita oyendji mongerki ya-Elok, oya yi mondjokana mbala konima sho ya yapulilwa oshilonga shawo, nenge popepi nokulangekwa miilonga. Omukalo nguka omwaanawa wo unene, nando kagu shi oshipango.

Omyevangeliste Leopold Mateus, Okaku, inaa mangwa kondjigilile ndjika. Sho yapulilwa oshilonga she 1965, okwa ka tameka oshilonga she negundjilo sigo uule woomvula ntano, pwaa na eimbo lyasha.

Aantu ohaa mangwa koondjigilile dhokombanda, oya hala okwiinekela omusita ngoka e li mondjokana, oya hala notaa tegelele omuyevangeliste e li mondjokana, eyakulo lyevangeli otali papekidhwa noma lupe gowala gokombanda, ihe tate Leopold okwe shi ulike kutya evangeli oli na oonkondo mulyo lyene pwaa na ekwathelo lyomuntu.



Mateus Leopold naSesilia Ndinelago



Mbaka aagundjuka yomomina yaKlein Aub ngashi ye hole okugongalela moshigongi shawo. Nando taa vulwa kiilonga yesiku kehe iidhigu, ohaa kongo o-lweedhe aluhe okukala poohapu dhaKalunga. "Yomuthigona ihayi o-to."

Omyakulingerki Leopold okwa yapulilwa mondjokana yawo nomuyalekwa gwe omulongisikola Sesilia Ndinelago Kandjunga, mongerki yaShigambo eti-6. 1. 71. Shika oshi shi wo okutalika sha fa eyamukulo komafekaafeko ngoka ga kala maantu.

Tate Leopold ngashingeyi oye omuyakuli gwaayehe, aagundjuka naakuluntu mboka e ya tseye omaudhigu gawo pamapipi gawo. Omuyakuli Leopold sho a valwa 1929, okwa ningi ano omunawino gwehimbo ele lyuugundjuka, oku shi oshindji kuyo. Ihe oye ota ndhindhilike wo nawa oongamba dhawo nkene dha yooloka kokule naatungagumbo.

"Oyindji ya li moshipala shiilonga yandje nokukeelela ehumokomeho lyayo, ngashingeyi oya kandulwa po sho nda mono omukwathi," osho a fatulula pafupi eyooloko lyomathimbo ge.

Egumbo egundjuka Iyaayakulingerki mbaka, tate nameme Mateus, oya yuulukwa omagalikaneno gaaleshi yOmukwetu, opo egumbo lyawo noshilonga shawo shi mone omayambeko.



Aalumentu yatatu ye li mefano ndika, oya taamba ondjambi yesindano methigathano lyokukwatha ekwatho lyotango kungoka a mona oshiponga shombaa-dhilila. Oyo ayehe oye li momina yokawe, yaLange, noya pewa iiketha yomiti dhokukwatha miilongayakulo yawo. Omusamane Gabriel Shimbilinga, gumwe gwawo ota ti:

"Ngashingeyi mOwambo, kehe omuti otagu vulu okumonika pomahala mpoka pe na aalumentu mbaka ekwatho lyotango (Eerste Hulp)"

Yakwawo omadhina gawo oSimeon Uandjouili naJohannes Nanghama, ayehe oyokUukwanyama.

OMUKWETU

Oshifo shOngerki onkwaevangeli paLuther yomOwambokavango
Die Nuusblad van die Evangeliese Lutherse Ovambokavongkerk
Oha zi mOniipa,
Omukuluntu gwoshifo/Hoofredakteur Omubisofi Dr. Leonard Auala,
Amushanga/redakteur Sebulon Ekanjo
Ondando komumvo mOwambo 70c, kUushimba noKavango 90c
Kombanda yomafuta R1.30.
Oondando nomambestelo naga tumwe kOmukwetu,
Oniipa, P/B. 2015, Ondangwa S. W. A.
Oshinyolwa shuule
wondeimi 1 otashi futwa R1.00
oondeimi 2 -"- -"- R1.19
oondeimi 3 -"- -"- R2.70
oondeimi 4 -"- -"- R3.40
oondeimi 5 -"- -"- R5.00
Oto vulu okutuma efano Iyaashoka wa hala shi tseyithwe nomatumbulo wo gasha ngele ope na.

The Finnish Mission Press Oniipa
P/B 2015, Ondangwa, S. W. A.